

ვის: დასაქმების სააგენტო „ბაიას“

სახელი, გვარი: თამარ გახარია

მის: ნუცუბიძის ქ. 26 ბ

ტელ: +995 599 00 55 30

დახასიათება

მაქვს პატივი დავახასიათო ქ-ნ ქეთევან თურმანიძე, რომელიც 3 წლის განმავლობაში იყო ჩემი შვილის ძიძა.

მინდა ავღნიშნო, რომ ქეთევანი (მოფერებით იას, ვეძახით) გამოირჩევა პასუხისმგებლობის გრძნობით, მზრუნველობით, შრომისმოყვარეობითა და ყურადღებით.

მიუხედავად იმისა, რომ ბავშვი უკვე 1 წელია ბაღში დამყავს, მუდამ ახსენებს მას და იაც ხშირად გვსტუმრობს.

რთული სამუშაო გრაფიკის გამო, ბავშვი უპრობლემოდ გამიშვია დასასვენებლად ძიძასთან და არასოდეს მინერვიულია მის მდგომარეობაზე, ისიც მუდამ ხალისიანი და მოვლილი ბრუნდებოდა სახლში.

ია, სრულიად ბავშვზეა ორიენტირებული: ბავშვის განვითარებაზე ზრუნვა, სეირნობა, გრაფიკით კვება, გართობა, თუმცა მაინც გამონახავს დროს, მაგალითად როდესაც ბავშვს სძინავს და არ დაიზარებს ისეთი სამუშაოს გაკეთებას, რაც მას არ ეხება. სახლის საქმეების შემსუბუქება კი, მოგეხსენებათ, მუდამ სასიამოვნოა დაკავებული დედისათვის.

ია გამოირჩევა განსაკუთრებული სისუფთავით. ბავშვიც, მისი ნივთები თუ ტანსაცმელი მუდამ სუფთა, მოწესრიგებული, გარეცხილი, გაუთავებული მხვდებოდა.

იმ შემთხვევაშიც კი, როდესაც ბავში ავად იყო, ია, დიდი მზრუნველობითა და ყურადღებით ეკიდებოდა ბავშვის მიზეზიანობას, დროულად ასმევდა წამლებს. ასეთ შემთხვევებში, ხშირად დამხვედრია სურათი, საათობით როგორ ეძინა ჩემს შვილს იას მკლავებში ჩაკრულს.

იას ერთ-ერთი დადებითი თვისებათაგანია ასევე დაუზარლობა, არასოდეს წუწუნებდა, როდესაც ბავში დაყავდა წრეებზე და დღის განმავლობაში ბევრი საქმეც ჰქონდა.

ამ ყველაფერთან ერთად იგი მუდამ მხიარულია, გამგებიანი და რაც მთავარია კეთილსინდისიერი.

თამარ გახარია

04/09/2015 წ.

